

28. *CYLLECORIS dispar*: niger, nitidus, glaber, prothorace antice bituberculato; pedibus luteis, basi albidis: aut elongatus, capite modice convexo; antennis articulo secundo extrorsum vix incrassato; hemelytris dilute fuscis, basi corii cuneoque albidis, hoc apice infuscato, membrana dilute fusca (♂): aut oblongus; capite magno, convexo; antennis luteis, articulo secundo extrorsum valde incrassato, fusiformi; hemelytris brevibus, albidis, pone medium transversim infuscatis, membrana nulla; abdomine ultra medium valde ampliato (♀). Long. ♂ $3\frac{1}{2}$, lat. 1. Long. ♀ 3, lat. $1\frac{1}{2}$ millim.

In gramine locis umbrosis prope Holmian mense Julio parce.

Species pro sexu valde varians. *Mas.* Caput mediocre, latitudine brevius, modice convexum, nigrum, nitidum, glabrum; rostro inflexo, flavido, apice infuscato; oculis sub-ovatis, valde convexis, nigris. Antennæ longitudine corporis, tenues, nigrae, breviter pubescentes, articulo primo capite transverso dimidio longiore, fusco-testaceo, extrorsum obscuriore, secundo præcedente triplo longiore, extrorsum sensim nonnihil crassiore, tertio et quarto tenuioribus, simul sumtis secundo longitudine æqualibus, ultimo penultimo fere triplo brevior. Prothorax latitudine postica brevior, antice posticeque truncatus, lateribus ultra medium parum, dein subito oblique ampliatus, angulis posticis sub-obtusis; supra modice convexus, niger, parum nitidus, obsoletissime punctulatus, pone apicem tuberculis duobus, sat magnis, sub-approximatis, obtusis instructus. Scutellum magnum, triangulare, nigrum, sub-nitidum, tenuiter pubescens, pone basin transversim impressum. Hemelytra dilute fusca, macula utrinque basali oblonga cuneoque albidis, hoc apice anguste infuscato; membrana magna, dilute fuscescente, iridescente, nervo basali valde incrassato, fusco. Corpus nigrum, nitidum. Pedes lutei, coxis, trochanteribus totis femoribusque basi albidis, illis ipsa basi ut et articulis ultimis tarsorum dilute fuscis.

Femina mare nonnihil brevior et latior. Caput magnum, valde convexum. Antennæ articulis 1, 3 et 4 luteis, secundo pone medium valde incrassato, fusiformi. Prothorax postice angustior, leviter rotundato-emarginatus, tuberculis apicalibus magis elevatis. Hemelytra prothorace vix dimidio longiora, albida, infra medium fascia sat lata, transversa, nigro-fusca, singulo apice rotundato. Abdomen basi angustum. ultra medium subito ampliatus, apice late rotundatum, marginibus lateralibus valde elevatis. Pedes ut in mare formati et colorati, tibiis posticis ultra medium infuscatis.

29. *Capsus Mali*: oblongo-ovatus, niger, sub-opacus, punctulatus, parce cinereo-pubescentis; antennis articulo secundo extrorsum valde incrassato, fusiformi, ultimis duobus tenuioribus, brevibus, pallidis; membrana fusca; pedibus fusco-ferrugineis. ♂♀. Long. $4\frac{3}{4}$, lat. 2 millim.

Capsus Mali MEYER Rhynchot. I. 63. 30. T. 2. f. 5.

Capsus Pyri MEYER Stett. Ent. Zeit. 1847, p. 87.

In fruticibus Oelandiæ ante plures annos individua sex legi.

Summa similitudine *Capsi magnicornis*, dimidio vero major, parcius pubescens, antennarum articulo secundo basi angustiore, prothorace lon-